

wir dir anzeigen/durch die Spruch der Weisen/vnd nach der maß
wie wirs selber gesehen/vnd bereitet haben/mit grosser arbeit vnd
geschwindigkeit/vnd wir haben erkannt/das dieselbige einige sach/
für sich selbs vollkommlich ist zu Weiß vnd Koht. Wir haben auch
kein ander ding mögen finden/darinnen die vollkommenheit were/
so viel antrifft die ware vergstaltung der Körper/oder die vollkom-
mene zubereitung / es müste dann zuuor folgen/das er ganz vnd
gar müste zuuor zerstoret vnd schwarz werden.

Arnoldus.

Darumb sey stat vnd embfig in der arbeit / vnd in allen sachen
gedultig zuverharren/in der Kochung/bis die Tinctur herauß ge-
he auff das Wasser in die schwarze Farbe / vnd wann du sehen
wirst / das die Schwere sich auff diß Wasser begibt/ so wisse das
der ganze Körper zerflossen vnd zergangen ist / alsdann soll man
in linder werme/ beharlich ober dasselbige halten/ so lang bis er den
Nebel empfahet / den er dunckel vnd finster geboren hat. Die mei-
nung der Weisen ist/ das jez der Körper der nun ein schwarz Pul-
uer worden ist / soll in sein Wasser eingehen/ vnd das es alles ein
ding werde/ alsdann empfahet ein Wasser das ander Wasser/ als
wenn es in eigene Natur / darumb es sey dann das alles werde in
ein Wasser verkehret / sonst wirstu feins wegs
zu dem vollkommenen En-
de kommen.

Der

Spiegel

Handwritten text in a smaller script, likely bleed-through from the reverse side of the page.

Handwritten text in a smaller script, likely bleed-through from the reverse side of the page.